



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

Catharina Comitissa de Hückeswagen, Virgo & Canonissa in Greffrath

urn:nbn:de:hbz:466:1-28481

zianz. [e] *Gratias ago, sicut in lætis rebus, ita etiam in acerbis; quandoquidem illud exploratum habeo, nihil rerum nostrarum apud summam rationem expers rationis esse.* Tandem, ubi quinquennio integro tam difficili ægritudinis genere velut in camino tribulationis sufficienter excoctus esset, carnis humanæ vinculis piè exsolutus est die 10ma Februarii anno 1056, tumulatusq; in Monasterio S. Mauritii à se constructo, quod tamē postea ab Alberto de Hoya in Ecclesiam S. Simonis ad urbem translatus est anno 1435. Sepulchro ejus inscriptum fuit hoc Epitaphium :

(*chrum,*

Condidit hoc templum, quem claudit Bruno sepul-

Præsul honor patria, lumen & Ecclesiæ :

Idibus in quartis Februi caligine mortis

It cinis in cinerem : da Deus huic requiem.

[e] *Epist. 63.*

Catharina Comitissa de Hu-

ckeswagen Virgo & Canonissa in
Greffrath.

Refertur cum titulo Beata à Gelen. l. 3. hist. S. Engelberti pag. 266. ubi tamen in contextu vocat solum Venerabilem. Agit de eadem Theod. Rhay in anim. illustr. ad diem 2 tam Novemb. & 2 dā Julii, quā Reliquia S. Catharinæ Virg. & Mart. ad

D

ipsam

ipsam allata sunt. Vita ejus desumpta est ex eodem & ex antiquis tabulis Monasterii Grevenroden-
densis. Regularis an secularis Canonissa fuerit non decerno : erunt, quibus postremum videatur magis verisimile. Illud saltem constat ex Gelenio asceterium hoc à Roberto Bavaro Archiepiscopo Colon. reformatum esse anno 1471, quo Catharina jam pridem è vivis excesserat.

Grevenrodium [a] aliàs novale comiti-
um in Ducatu Montium, quod modò Re-
gularium Canonissarum S. Augustini Cœno-
bium est, meritissimis laudibus extollit Catha-
rinam Virginem ante annos 400 eximia vir-
tutum fama & sanctitate celebrem. Hæc
Comitum [b] Huckeswagiorum nobilissimæ
quondam stirpe genita, ut Deo religiosius in-
serviret, abjectis omnibus mundi commodis
Grevenrodium sese contulit, ibidémq; nobi-
lium virginum, quæ per ea tempora forsitan sæ-
culares erant, collegio adscripta vitam cæpi-
adeò sanctam & austeram ducere, ut cæteri
omnibus non exemplo solùm; sed etiam ad-
mirationi esset. Cibus illi frequentissimus
erat pauxillum aquæ cum sicci panis frustulo

solomni

[a] Vulgò Gressraht. [b] Horum meminit Gelenius
l. i. hist. S. Engelb. pag. 23. & 27. Sedem videntur
habuisse in Huckeswagen prope Wipperfordam.

somnū excipiebat in asserē clavis acutis perforato, pulvilliq; vice subibat caput durus & asper truncus: sub pedibus gerebat læpē feratas soleas claviculis antrorsum prominentibus obarmatas: flagella, quibus sua terga dirissimè cruentabat, aut erant è ferro fabricata, aut è corio grandibus hinc inde nodis intertexto: præter cilicia & alias afflictationes corporis etiam zonâ ferreâ lumbos adstringebat, quæ moderno [c] adhuc ævo religiosissimè ibidem asservatur, & puerperis etiam hæresi attonitâ continuò salutaris est. Insidebat quoque ejus animo peculiaris devotio erga S. Catharinam; ideóq; fratrem suum Ordinis S. Joannis Melitensis equitem ardentissimè rogitabat, ut, ubi ad terras sanctas profectionem caperet, reliquias sibi aliquas de hac patrona sua indidem reportaret. Addixit ille, & post varias peregrinationes etiam delatus in montem Sinai, dum ibi ad sepulchrum S. Catharinæ devotissimas in cælum preces mitteret, officulum aliquod è Sarcophago prodigiosè ad se delapsum accipit, collocatq; in argentea theca velut thesaurum sororis suæ desideriis votisq; serviturum. Exinde magnis solatiis iter relegebat in patriam; sed eventu tamen

D 2

planè

[c] Theod. Rhay. loc. cit.

planè alio , quàm sibi futurum promiserat.
Nam ut antiqua istius cœnobii monumenta
perhibent , exortâ vehementi tempestate à
nautis coactus est sacrum illud pignus ad pla-
candas fluctuum & undarum furias in æquor
mittere , quò vitam servaret naufragis , mor-
témq; præsentem pelleret. Sedebat tunc for-
tè devotis immerfa precibus ejus soror , De-
úmq; flagitabat, ut fratrem è longinqua pere-
grinatione incolumem ad se reduceret; cùm
ecce! eodem pene momento temporis lapsus
de cœlo juvenis thecam hanc reliquiariam u-
nà cum incluso S. Catharinæ officulo in sinu
orantis conjicit: quam illa continuò pro sua
& aliarum virginum devotione in sacratio re-
ponendam tradidit, Christi; effigiem ad con-
specti adolescentis similitudinem ex argento
fabricari fecit. Omnem pene fidem superat,
quantis exinde miraculis officulum hoc reful-
gere cæperit , ac præsertim primo statim no-
vennio, quo Venerabilis Catharina sacri hujus
thesauri custodem egit. Nulla pene festivitas
abibat sine prodigio : per continuos novem
annos feriâ sextâ Parasceves , horâ quâ Chri-
stus in cruce exspirasse creditur , sudavit san-
guinem, ex eóq; tempore perpetua consuetu-
do cæpit, ut eadem die sacre virgines ad men-
sam

erat. sam Dominici corporis omnes accederent. Centum nonaginta octo vicibus stillavit oleum & subinde in magna copia, undecies lac, mel trigesies septies, aquam prodigiosam octuagies quinquies, alias rores ac liquores alios: nec posset quisquam omnia, quæ ibidem gesta referuntur, tanquam vera arbitrari, nisi tot Episcoporum, Abbatum, Principum, aliorumque inspectantium non solum oculari testimonio, sed etiam scripto ac sigillis confirmata forent. Decumbebat aliquando Catharina è gravissima infirmitate corporis, quæ præsertim à dextro latere ita carnem & ossa perculserat, ut ab ea parte omnis membrorum usus ipsam destitueret. Desperata valetudine una solum in patrocinio S. Catharinæ spes supererat, ideoque in votis erat ad illius sospitatricem aram salutis repetendæ gratiâ deportari. Annuitur postulanti, collocatur in sella gestatoria, obsequiosæ puellarum manus ægram suscipiunt, sequuntur non segni gradu illustres Dominæ, positamque ante ostiolum sacræ Lipsanothecæ precum suarum suffragiis ferventer juvant. Res mira visu! vix paululum protractâ oratione sacrum os suos iterum fontes aperit, rorant sudantes pori, exstillat oleum, perungitur Catharina, & extemplò relicta se-

de surgit abítq; incolumis nullo dextram subeunte bacillo. Annum, quo piissima hæc anima tandem mortali corpore exsoluta est, nondum comperi. Certum est floruisse sub finem sæculi 12mi & initium 13tii, quia prodigiosum illud os S. Catharinæ Virginis & Martyris [d] anno 1309 die 2dâ Julii è Palæstina Greventodium afferri cæpit, uti ex antiquis hujus loci monumentis constat. Diem obitûs aut certè depositionis ejus agunt ibidem 25ta Novembris, ubi cum pedisequa & nominis & virtutis suæ æmula eodem tumulo conquiescens, singularem in avitæ Religionis integritate constantiam impetravit suæ familiæ, [e] quæ sola ferme ac unica inter funestas illas superiorum sæculorum novitates in medio acatholicæ gentis velut fortissima fidei columna persistit.

[d] Theod. Rhay ad diem 2dam Julii ponit annum 1209; sed videtur error typi. [e] Theod. Rhay ad diem 25tam Novemb.

Christina Virgo Hammonensis.

Refertur cum titulo Beate à Theod. Rhay in anim. illustr. ad diem 22dam Junii. De eadem agit Gelen. in Colonia sacrâ ad eandem diem. Werner